

徐公文集

開化圖書館

Kaichua library

開化圖書館

Wahua library

開化圖書館

Kaishua library

開化圖書館

Kaichua library

徐公文集卷第二十七

東海 徐曰曰銘

洪州西山翠巖廣化院故澄源禪師碑銘

大宋舒州龍門山乾明禪院碑銘

大宋故天雄軍節度行軍司馬易府君神道碑

故唐大理司直鄂州漢陽令贈衛尉少卿樊

公神道碑

洪州豐城縣李司空廟碣文

洪州道正倪君碣

洪州西山翠巖廣化院故澄源禪師碑銘

易

豐

躬讓

於

聖人設教賢者學之有能極深研幾剖疑折滯不  
背本以矯激不沿波而流宕世人宗仰時君褒異  
斯可以為君子矣禪師名無殷姓吳氏連江人也  
昔秦伯獲讓肇啓南藩至德所及流光百代子孫  
蕃衍吳越為多至今為著姓焉累世隱德鄉曲推  
重道氣鍾粹而生禪師幼異常童不染俗態年七  
歲徒晉安雪峯真覺禪師出家二十詣開元寺受  
度真覺之道見重於時禪師默識微言盡得要旨  
而復博考往行幽尋勝迹江浙諸郡靡不經遊先  
達推稱後生請益結轍連袂虛往實歸禪師以道

千季

樹

貴冲用性復虛靜所止之處學徒俯于人輒復捨  
去晚歲止廬陵之禾山其名益彰李唐先主召見  
之特加禮遇俾居廣陵之祥光院嗣君踐祚優禮  
有加賜號澄源禪師命移處豫章之上藍西山之  
翠巖院是皆都邑之勝槩高人之游集自非密行  
淳德不能鎮服羣情我迭居之綽有餘裕雖身在  
巖谷而恩注帷辰存省問遺使者相望享壽七十  
有二建隆元年春二月五日終于翠巖院甘露被  
樹數日不晞皓鶴盤空三周而去門弟子用西域  
之禮葬于院之巽隅封于其上恩旨褒飾名其丘

牙

禪

曰大醫道俗孺慕會其葬者萬數鉉也趨捨異術  
聲塵致映于時釋氏方盛師門牙路嘗侍嗣君宴  
語徒容上言曰古稱千里一賢猶比肩也今號長  
老者十數無乃多乎嗣君深以為善因曰惟澄源  
師其殆庶矣無幾何以家門情禮請告至山會師  
已沒瞻仰遺像參迹行事乃信名不虛得亦表君  
之知臣今來京都復與師弟子鑒琮相遇琮師志  
性端慤修習精勤肅奉成規博總衆藝慈惠救物  
時人稱之明詔賜號慧覺大師錫以紫服朝恩浹  
于累世實教門之榮觀也于時禪師委順三十年

梵梵

馮豈

於

矣琮也思廣銘頌庶永遺風以鉉嘗學舊史見求  
直筆若夫褒善稍伐翰墨攸光載瞻西山實寄松  
檟敢抽秘思以告九原銘曰

梵梵東越武夷之區時生異人與古為徒禪師出  
馮俊邁且都顯顯南楚西山作鎮真靈所宅教法  
斯振禪師居之允矣今問道無不在法非可名理  
超言象俗仰風聲豐碑載勒勝氣長生猗嗟來者  
用此為程

大宋舒州龍門山乾明禪院碑銘并序  
山岳極天莫雄于瀟霍川瀆紀地莫靈于江淮盤

貯

蓄

得聖  
鍊

薄縈帶中畫郡國幅負數千里舒睨居其陽真聖  
之所躔次景福之所興作必有高士來闢妙門以  
導精粹之氣以恢淳和之俗則龍門山乾明禪院  
所以建也是山東去郡九十里蓋瀋岳之一峰山  
有龍井郡人嚮崇之所靈應昭哲因以名焉深巖  
洞岫風雲之所蓄泄湧泉清池璿碧之所隱見涼  
颼爽氣五月可以披裘脩竹茂林四時未嘗易葉  
游方之士至輒忘歸有曉遵禪師者家本宜春幼  
捐俗累從師訪道歷抵湘沅探幽洞微聖得人之  
宗旨清心練行踵前作之風聲向道之徒靡不宗

輟樓

於於

仰乾德五載始來此山顧瞻林泉有懷棲息邑人  
宋仁瑗輟其隴畝以奉宴居面壑臨流誅茅穿徑  
遠擬闕令草樓之觀近同焦光蝸牛之廬歲計有  
餘善信來應廬江人侯霸大施資賄以奉經營數  
年之間蔚然崇今上御名複廟重屋瑣牕洞戶藻以丹雘  
駢以壁璫所以重威神也黌堂講肆踈楹高座皓  
壁月皎層軒霞舒所以敷道義也前則端闈瞰野  
旁則脩廊納陛厨廩充牣居室閑安閱經籍于巖  
房息徒侶于與寢棟宇延袤凡二百區蓋精誠之  
所憑寶邑里之勝槩也

今上嗣統像法大興禪師徒步神京對揚雲陛恩  
旨嘉賞賜號曰乾明禪院華題鳳篆降自慶霄聖  
日天光煥乎幽谷夫道之行也時與地并斯郡山  
水竒絕動植茂遂民情淳朴聖迹回環非明主至  
仁不能恢清淨之教非禪師密行不能化猥囁之  
人示之以精修祐之以戩穀變魯至道夫何遠哉  
茲頃歲謫居此地思過三載閭里之見待也厚風  
物之愜志也深冥得喪之懷無憔悴之色及今三  
紀未嘗忘諸會禪師狀肇興之由圖不朽之作受  
簡東筆欣然記焉銘曰

助

主

教必有象待時而行道無不在因地而靈灑岳穹

崇皖川清冷鬱鬱佳氣宜為福庭有美遵師為人

由己人應物感風行良止闢此叢薄化為金地雲

全上御名中開靈光四起君恩啓煥真聖回翔劉雷永遠

接軫齊芳玄符靡測福應無方刊茲樂石用配無

疆

大宋故天雄軍節度行軍司馬易府君

神道碑 并序

府君諱文贊字廣美豫章高安人也 在昔有晉春

陵令雄位不充量忠以亡身作流子孫繁衍荆楚

謀

於

吾

其世祿鍾德則故老家牒詳焉曾祖暇祖崇皆不  
仕妣鄒氏追封范陽縣太君從子貴也君符彩奕  
邁質性深沉少遭時亂靜守家法剛而無犯勇而  
有節鄉曲之譽藹然于時有吳功臣劉公信節制  
豫章訓兵選士聞君名而召之君謂所親曰大丈夫  
當立功立事以大家門吾聞劉公剛毅倜儻有  
英雄之量必能申我用也乃杖策從之甚見器重  
委以禦侮授之親兵出為爪牙入參侍直外捍封  
略中清寇攘十年之間遂升右職劉公物故唐室  
中興君於是策名周行入典離衛于時戎事俯定

於

驚

於

申

國容載穆若止于拊循士衆恭守官常時其寒燠均其勞逸勤怠徼道庶察何留不矜出位之思甚得為將之體自宣威軍裨將累遷至左右天威軍都虞候自檢校右常侍至檢校太保及淮甸倣擾都邑震驚以君為雄州刺史充建武軍使其理所即廣陵之天長縣也據衝要之地有士民之衆綏懷訓練其俗用和會周世宗親提六師志平江右于是濠泗携叛楊楚摧陷君城小援絕堅守累旬世宗使降將郭廷謂臨城招諭君曰棄命以苟生不義勦民以全名不仁吾處中道而已乃間道表

於

俯

於 於

于本朝備陳形勢且論遠慮還旨嘉納諭以割地  
之謀君即開城請罪世宗慰勞數四錫賚加等即  
授衡州刺史封大原縣子充天雄軍節度行軍司  
馬皇宋啓運優獎有加改道州刺史進爵為侯君  
以絳老之年有邵克之疾表求致仕優詔不許勤  
懇固請聽歸臨淮郡私第春秋七十有五開寶元  
年秋七月考終命三年九月葬于盱眙縣義和鄉  
西嵩里北團山禮也夫人會稽縣君謝氏亦江左  
之冠族作合君子克昭令儀歲管之勤夙彰于婦  
德湯沐之邑晚從于夫貴訓導諸子備全義方鍾

修

於

理

驚

蓬首之痛哀而知禮受高堂之養嚴而有慈春秋  
七十有六太平興國二年秋七月終于臨淮私第  
某年月日合祔焉禮也有子五人曰延貴延祚延  
壽延義並克荷先業勤脩令名或參藩郡或幹內  
職皆先夫人而沒唯第四子延慶獨稟粹和服膺  
儒教孝悌之至稱于州閭承顏先意侔魯閔之行  
居喪過哀有二連之風廬墓絕漿義感生植嘉木  
連球玉芝成叢遠近聞之莫不驚歎由是自前臨  
淮令拜大理丞及夫人卜葬違制臨赴為有司所  
劾有詔勿問聽解秩家居惟府君之生也臨戎以

於於體

恩信理民以慈惠事君全其節處身由其道故垂  
此家法推為慶門是生孝子以永世祀美矣哉銘  
聞風而悅之故勒銘于神道其辭曰  
予惟易氏忠義之門德厚流光顯于後昆後昆之  
賢生我府君神道自居壯圖不羣輟耕水歎負羽  
從軍赳赳和門勇爵斯設靜則嚴重動則奮發臨  
難忘私處危全節名遂身奉考終無闕兀兀泗川  
永閔佳城哀哀孝子載感坤靈君恩賁寵樂石刊  
銘百代之下常流淑聲

故唐大理司直鄂州漢陽令贈衛尉少

鄉樊公神道碑

豐  
於於祀

公諱潛字仲明京兆萬年人也昔者虞仲垂孫謀  
之慶肇啓我封山甫昭補職之勤實大吾族或則  
游聖門而稱達者或則冠先籍而號真人豐沛功  
臣經營于大業南陽外戚佐佑于中興傳祀百世  
流光萬國而我之占籍世茂西京樊川之居抗衡  
韋杜曾祖澄以七世同爨孝德升聞大中制恩特  
加旌表峩峩石闕至今存焉祖侑濮洲司戶奉軍  
考諭光化中補池州至德令時天下已亂因家池  
陽終潤州金壇令公中和稟粹形器夙成好學之

馮

亂

勤本由天賦至孝之性不墜家聲始及弱冠併違  
怙恃絕漿泣血哀感州閭負土成墳終喪廬墓言  
子道者以為美談于時唐祚淪胥宗室稱制江淮  
之地不失舊章公以射策高等補潤州丹陽尉試  
吏之課書考為優廬陵之民古稱多訟加以畝籍  
違制亂獄滋豐守臣上言求拯其弊有命擇堪其  
事者聞公之能因而命之公既至乃相五土之沃  
瘠察夫冢之衆寡采古之制酌今之宜創為新規  
衆皆悅服而復出械繫之者窮兩造之辭雪當死  
者數十人使還議賞增秩進等遷壽州壽春縣主

培  
於  
九

於

豐

簿既而廬陵之政日理南楚之人聳觀久之以公  
為光州光山縣令加大理評事猶以前効也于時  
南北分裂縣臨敵境有爭桑之女多探丸之吏比  
閭之衆罕嘗寧居公于是糾集義勇分守要害推  
以恩信濟之強明三載之中一邑用乂遷池州石  
埭令縣有大姓侵撓細民歲比不登俗乃重困公  
繩之以法董之以威豪右震悚相與逃匿于是啓  
請出官粟以賑之絕省力役以濟農功慈撫仁薰  
視之如子歲豐俗阜政用大成就加大理司直旌  
能政也秩滿遷鄂州漢陽令未幾遇疾壬子歲某

月日終于縣之正寢享年五十有七以丙辰歲某  
月日葬于池州貴池縣永泰鄉保靜里之原禮也  
夫人王氏鴻臚卿滔之女軒冕之族閨房之秀室  
家垂訓忠問風行長子若訥不事王侯自全高尚  
次子知古才藝畢給際會昌朝踐歷臺省交脩繁  
劇今為右諫議大夫河北轉運使揚名之業方茂  
顯親之數遂優公累贈秘書丞戶部員外郎衛尉  
少卿夫人封琅琊縣太君惟公生而岐嶷長而學  
問窮九經之奧旨綜百氏之微言率是古道施和  
為政行之以直守之以廉事親以孝飾躬以禮士

於耶

於  
豐

於  
於

元之器命屈于生前減孫之忠慶貽于身後君恩  
飾壤世祿傳家咸京之舊表未埋社浦之豐碑復  
立俗有遺愛吾無媿辭其銘曰  
南山崇崇樊川溶溶翦商之烈補衮之功百代之  
後流光不窮爰有孝德克生我公猗歎我公顯允  
君子投此利刃行于百里有惠于民何必貴仕垂  
慶于後何必在已慶霄之澤自葉流根歿垂中甸  
生駕魚軒二子殊志俱文吾門優優愚谷英英諫  
垣九峯之下貴池之口覆斧馬鬣金雞玉狗民即  
桐鄉碑如峴首江水長流令名同久

豐

驚

効

洪州豐城縣李司空廟碑文

待公集二

十

先王之制以勞定國以死勤事皆得祀之然則非  
通幽洞靈之士有驚愚顯俗之迹亦不能臻此也  
李君諱承禹字大用其先隴西人中葉因官遂家  
上黨先君諱神福避亂擇主來適維楊于時唐室  
崩離諸侯角逐吳武王奮栢文之舉我先君效闕  
張之用摧亮略地所向無前功加于時慶鍾于後  
終淮南節度副使鄂岳招討使君即招討長子也  
幼而爽俊長而雄勇年始志學即從義旗善撫士  
卒生知韜略屬若鷹隼疾如風電時稱虎子敵畏

玄

豐

驚於

於

豈

馬兒以功累加檢校左僕射為橫衝裨將天祐丙寅歲從招討使秦裴平豫章叙功為最新附之地屬郡未賓明年命君領偏師平餘盜戈船先進羣帥後期山越霧集漢矢且盡同玄冥之沒若杜畿之沈享年二十有三諸將嗣事逋穢克清迎君之喪窆于洪州豐城縣楊子洲惟君夙齡挺秀盡忠死節識與不識雜然推奇而英靈貯響若在左右如鄭人之驚伯有類吳俗之畏子文于是耆艾相率啓求立祠于墓側公議僉允因贈司空水旱禱祈無不即應鄉邑之際頻歲豐穰湍瀨無虞疾癘

備

於譏於

於貞

於時

不作而君之家門亦康寧蕃衍焉及今七十年矣  
雖神道恍惚不可備論而忠誠報應良足為勸猶  
恐并世綿邈流俗失傳或見孫于越巫將受訊于  
淫祀嫡孫仁昭願以事實勒于貞珉銘素與君諸  
子游復連姻戚披文相質所不獲辭初君之長弟  
諱承鼎為吳王之愛壻故國人咸謂君為伯氏而  
忘其官稱焉今用明白之銘曰  
嗚呼李君勇且有仁生殉國難沒為明神南楚之  
郊章江之濱祠堂弈奕像設僣僣薦信以特降祐  
于民龍泉太阿校靈比珍衝斗之氣終天不渝

貞

彰

室  
玄

淨

於

洪州道正倪君碣

君諱少通字子明其先千乘人也末葉避地徙居  
 巴陵濯洞庭之餘波襲九嶷之秀氣儒風繼世貞  
 節自持垂慶炳靈先才是出君風骨秀整襟懷坦  
 夷幼挺高情即依道樾弱冠遊九江悅廬  
 阜之名區得董君之故靜種杏之地榛莽森如慨  
 然永懷誓復靈嶺上名誅茅築室練行修身闇然而章  
 千里斯應于時唐運告謝宗家代興江左被玄元  
 之風二葉恢清靜之教君以清心苦節升聞于朝  
 癸丑歲賜錢三百萬即所居建太一之觀于是疏

鑿舊址草創新規悅以子來成之勿亟十有餘歲  
清宮煥然凡建四殿五堂重門兩序內外棟宇總  
百三十區像設儀衛莫不稱是力闢污萊為良田  
者五百畝而餼賢之費有餘手植杉松成茂林者  
千餘根而甘靈之祥再降繇是牧守嘉尚道俗依  
憑為本州道正乃知太一觀事享壽九十有一體  
力康壯淳化元年秋八月八日子時怡然而化容  
貌如生初君自擇葬地于蓮花峯下即以二年春  
正月窆焉君性質沖淡不耀其光表率教門正身  
而已嘉賦詠善鼓琴龍鳳之形皆由手製山水之

免於

讓

操自洽天和所居之觀俯通城郭登山之客必先  
造焉君將迎接待高卑如一絕迹朝市成樂林泉  
六十餘年慎終如始門人弟子先以慈孝為訓有  
若李延照蔣守龍等近四十餘人皆以孝行為時  
所稱親弟德規同學弟謝又能等叶力同心共復  
靈迹並先早世今謝君弟子王省昂嗣膺道任師  
孫錢知素繼知太一觀事師門之盛論者美之銘  
頃歲扈從南巡與師款接旬日傾蓋之分有如素  
交錢君以論讓見求不當為讓其銘曰  
太一董君上帝之賓遺方眇邈奮迹荆榛倪師據

慨復來清塵種杏之地林光再新異世神交豈其  
後身冥升自遠代劍非淪瞻言華表誰見千春刊  
銘翠琰道契攸親

徐公文集卷第二十七

開化  
Kachua

徐公文集卷第二十八

東海 徐曰曰銘

泗州重脩文宣王廟記

邢州紫極宮老君殿記

洪州華山胡氏書堂記

江州新建尚書白公祠堂記

洪州始豐山興玄觀記

金陵寂樂塔院故玄寂禪師影堂記

撫州永安禪院記

潤州甘露寺新建舍利塔記

曲  
玄

重建宓子賤碑陰記

邠州定平縣傳燈禪院記

泗州重脩文宣王廟記

昔我先聖有周公之才無文王之時故憲章其道  
以垂萬世精神冥契夕則夢之是知千載旦暮蓋  
其道同也自時以降鴻儒碩生敷暢微言佐佑大  
化專一之志通于神明咸夢宣尼以著名實斯文  
間作來者不誣國家彰灼神功在宥天下禮樂刑  
政舉百王之中典謨訓誥用三代之式文學之士  
靡然向風臨淮徐君名某字某弱而好學壯而有

北

立行敦乎族黨名聞於州閭修辭立誠躬儒者之  
業博施濟衆秉義士之規隨計春官再不中選會  
長子宗孟郡亦舉秀才君以為名不可多取即欲  
退而求志無何夢游淮上倏有淪胥之厄衆君子  
拯之而置于宣聖之堂儼然逢掖之容若奉緇帷  
之會寤而神聳益用兢懷聞者竒之勉以西上明  
年春冕旒臨御親較羣才崇朝之間父子俱捷蓋  
古今未之有也君歎曰  
天子廣孤平之路杜請謁之門先聖知之是有敦  
勉斯實至德感召鄙何有焉思欲昭荅靈心丕顯

玄

弦

玄既惟茲泗上雄視百城學校之制我不在後王  
業伊始天下初平舟車輻湊之都郵傳勞午之地  
邦君丞掾日不暇給弦誦之所窺戶聞然君白于  
公府願補闕政於是出家積鳩國工即舊謀新瞻  
星揆日乃建路寢乃立應門闕講論之堂設東西  
之序廣袤合度奢儉中規像設增嚴繪素加煥凡  
祭器制度皆圖於垣墉俾夫觀藝之徒橫經之侶  
居今識古震往實歸三代之風由斯而致也錄事  
叅軍張君濬綱紀之任夙夜惟寅嘗與同僚及斯  
而歎曰

玄

於

振舉廢闕公力未遑當屬於好事君子非徐君不  
能也及茲締御名如宿契焉是知善人之言罔弗響  
答夫聖人之教也與天地常在將陰陽並運恍惚  
玄應昧者不知今徐君服之而成大名感之而臻  
介福咨爾後學可不勉歟金石之銘其無媿已乎  
時歲次乙酉雍正二年秋七月記

邢州紫極宮老君殿記

昔者老君伯陽憫大道之既隱傷周室之既微以  
為清淨無為道之本也非建言不能盡其意安上  
治民道之用也非設教不能永其成乃著書于函

於 於

於 貞陽

德公集卷之二十一

三

關以明清心之要授禮于仲尼以開垂世之統繇  
是教義之被于民如造化之漸于物賢者識其大  
不賢者識其小出入戰國經歷薄俗君君臣臣父  
父子子民到于今受其賜則二聖人是賴焉故並  
享明祀格于寓縣雖百世不能易也邢州紫極宮  
者唐開元中所立老君像則琢玉石以為之真靈  
所憑功用殊絕眸容竒表儼然若存瞻仰之徒莫  
不增肅王室剝亂郡國崩離三晉之郊戎馬孔棘  
崇堂隳落乃移像于北極殿之西偏數十年間不  
絕如線皇宗膺運百度惟貞道風載揚真侶咸萃

華女道士陳體元江左右族夙挺玄符不從象服  
 之華自結鳳羅之誓勤行匪懈真氣日滋乙亥歲  
 伯氏從宦將之俱至喂哺知化汗漫與期郡守賢  
 之授以宮任亦既涖止慨然永懷嗟崇樹上之傾續  
 歎尊位之蹂雜程工度費即舊謀新知州事改公  
 思恭仙派分源諫垣舊德嘉其偉志助以俸金郡  
 僚而下歡然風靡即宮之西序建老君殿三間材  
 用必良工藝必精廣袤中規奢儉合度旭景昇而  
 丹彩煥清風襲而爽氣生肅然仙都復覩靈境粵  
 某年月奉玉像而處焉霓衣致虔羽蓋成列凡筵

貞

嚴肅香燭苾苾鐘磬咸和煙雲改色非至誠感召孰能臻此者乎練師之家弈葉從公清白垂訓仲兄前鹿邑令省躬秉直忤俗退而居貞季兄邢州書記長參學古入官和以接物積善之家宜生仙才鉉知二君歲久故美其事而紀于石某年十二月二日記

洪州華山胡氏書堂記

於  
士君子承積善之慶服聖人之道治身修心義之本也風行于家德之充也教被于俗仁之周也疇克具舉吾其與之豫章屬邑世雲舊里山水特秀

於

讓

玄

英靈所躔安定胡君籍于是君名仲堯字光輔亦  
葉儒學蟬聯簪紱魯門標舉煥列宿之華祖德韜  
映載少微之耀至于我先人少好左氏春秋之學  
研幾索隱儒者宗焉及君之長克揚其業言斯出  
矣身則踐之揖讓周旋之儀孝友姻睦之行修乎  
閨門之內形于羣從之間少長有禮絲麻同爨鄉  
黨率義人無間言然君以為上古之風可以馴致  
由六經之旨可以化成也乃即別墅華林山陽玄  
秀峯下今上書堂焉築室百區聚書五千卷子弟及  
遠方之士肄學者常數十人歲時討論講席無絕

當用 埒

於

謀 於 埒

鉉 美 次

於

又以為學者常存神閒曠之地游目清虛之境然  
 後粹和內充道德來應于是列植松竹間以葩華  
 涌泉清池環流于其間虛亭菌閣峙于其上處  
 者無數游者忘歸蘭亭石室不能加也又紫園牒  
 云昔陶丘公李八百皆修道于此是知人境相得  
 其道乃先勤而行之古猶今也鉉欽義其事道阻  
 且躋故述斯文以垂不朽年月日記

洪州新建尚書白公祠堂之記

大丈夫處厚居實據德依仁豈徒潔身將以濟世  
 故著于事業發于文詞而後功績宣焉聲名立焉

已于

蓋有其實者必有其名是以君子恥沒世而名不聞也若乃格于穹壤漸於蠻夷大則歲於金匱石室之書細則誦於婦女稚孺之口則古今以來彰灼悠久未有如白樂天者不其異乎故神明相之攸居不傾齋眠懷之餘風不泯士大夫神交道親若旦暮焉尋陽古郡昔公謫官之所綿祀二百市朝屢變而司馬聽事之室巋然獨存斯益異矣聖運光啓崇古尚文三代之風傳遠萬里禮部郎中江南轉運使張去華述職按部幸來是邦弭節城闈攝齋堂與以為先賢所舍邑里具瞻與夫元規

羅

於於

之樓惠遠之社崇飾祇薦我何後焉太子中允知  
州事梁君翊贊善大夫通判州事維君或叶規同  
心相視莫逆政有餘裕府多羨財即舊謀新創為  
祠宇傳寫廬山之遺像寘于北墉棟宇深嚴門序  
興秘肅然廟貌想見其人凡游居之徒仰高山聆  
遺韻薦誠觀藝結轍于斯禮不云乎禱祠古之鄉  
士有益于人者觀樂天之文主諷刺垂教化窮理  
本達物情後之學者服膺研精則去聖何遠其為  
益也不亦多乎尸而祝之固其宜矣某昔遊廬岳  
獲拜儀形今塵騎省遠聞締御名喜儒宗之不墜嘉

貞

豐  
玄

於  
玄  
於

豐

使者之得人故作斯文勒于貞石年月某記

洪州始豐山與玄觀記

聖人之言道無不在若乃域中歸其大萬物恃之  
生鴻化玄造無德而稱已至于顯神道之教擬方  
外之朝反之于身以固其本清心鍊氣保精蓄神  
餐霞茹芝脩用者殊規御風乘景游集者無方蓋  
真階仙品之有差故洞天福地而區別奇篇所紀  
靈境可尋豫章始豐山者案圖謀第三十七之福  
地也爾其穿窿蹇產干霄蔽日凌空瞰野之勢嶽  
峯窈窕蒸雲泄雨儲神宅怪之奇陰林修幹材用

玄云

歎

玄

之所生也周飛湍激流利澤之所及者遠紫煙白  
 霧隱映而紛霏靈風蒸氣蕭寥而披靡醮享之數  
 歷代相因爰有興元之觀是為薦誠之地土德玄  
 季三災迭興市朝質遷堂御名隳頓幾嘆遠城之鶴  
 常栖楚幕之鳥若夫真氣所憑神靈攸相物無終  
 否道不遠人道士聶紫庭龍玉笥之地英追九仙  
 之夙契以勤行為志業以訪古為師資歲在玄枵  
 來游此觀顧瞻祠宇慷慨傷懷徒侶敷請遂膺其  
 任積行所應至誠易通游居之人莫不信奉以為  
 興作者古人之所慎因循者前哲之所宗足備制

堙

玄

玄

度何必侈大於是補其闕而葺其壞窒其隙而扶  
其傾集瓴甃墁之工加朽鏝丹雘之飾瑣窓鏤  
檻朱戶金鋪深沈靡迤虛明藻麗百年舊制一旦  
維新日就厥功十稔而已已不病於費人不知其  
勞用此脩真真其焉往又以方志漏略碑頌烟沈  
使夫來者何所宗仰謂余為好道者故求我以文  
是用直書以觀成績淳化元年夏六月記

金陵寂樂塔院故玄寂禪師影堂記

士有切問強記以脩其內和光退節以晦其外而  
人自仰之名自歸之不知所以然而然見之於玄

寂禪師矣師名澄玘姓陳氏番禺人既生而孤天  
骨竒秀岐嶷之態有異常童常端居靜念如學道  
者七歲復失所恃母臨終以託其姑曰此兒幼有  
竒應法當出家僕果斯願吾無恨矣年十一歲遂  
詣本郡從師于七歲韶州南華寺正度於是造詣  
先達請益質疑歷游名山無遠弗届不違類於類  
子起予同於卜商丁未歲來止舒州山谷寺徧閱  
經論師門之學無所不通然未嘗為人言也是時  
季唐二葉像法大興凡聚徒講學者所在奉之以  
為長老禪師狎狗鷄之志慕爭席之風雖衆人與

朗 徵 玄 於 於

居而羣望自集道俗敦請抗志不從郡守周公因  
人之心封章上啓嗣君嘉賞以詔書命之周公延  
至郡齋親為致禮師不得已乃攝齋即坐音詞宣  
朗寮吏屬目士庶咸歡還處精廬宴居如故丁巳  
歲避難南渡止于廬山嗣君召致建康累徵乃至  
迭處名寺咸敷講席恩禮優渥賜號寂禪師時  
之名流無不景仰至于誘進後學開導真詮激厲  
憤排皆得所欲乾德五年冬十一月終于建康龍  
光禪院春秋六十有一後主遣中使護葬贈送甚  
優葬于都城東南隅鳳臺鄉門人廬弟子廬于墓

閑

貞庶申

豐

次誅茅全上宇遂成道場儼設靈儀式觀遺愛鉉頌

自禁掖放逐舒庸閉闕却掃不豫人事時游瀟岳

因獲全上止容貌閒暇議論平淡言意相得有若舊

交雖慙方外之期自叶忘形之契一生一死已隔

於當年谷變陵遷復悲於陳迹弟子嗣昭等永懷

遺範願勤貞珉因述斯文中庶風分年月日記

撫州永安禪院記

教之大者其行遠利之博者其報豐自三代已還

百家並騫炎靈之後釋氏特隆經法之盛參乎先

聖祠宇之設廣於虞庠不知所以然而然非言象

署署

所及已撫州郡署之左一里而近有禪院焉乾符  
中署曰寶國天祐中改名永安方志失傳莫知肇  
興之始高人迹處咸為宴坐之場夫經像之所居  
必馨之所薦必將據郡國之形勝襲川原之氣象  
斯郡也揔楚越之都會斯院也浸章汝之清流逸  
少康樂江左名士而墨池經臺介乎比閭麻姑南  
真丹臺上列而仙壇閑館峙乎封域閑閱相望鐘  
磬交音神靈之所依憑烟霞之所韜映爾其棟宇  
之狀也則赫赫乎顯敞耽耽乎深嚴黼藻成文磨  
礱盡妙層樓對峙脩廊四通列講肆於崇堂安衆

豐 訓

讓

士於奧室動有擊蒙之益靜有寧體之娛儲峙必  
豐器用必給四方學者至輒如歸考績程功則佳  
持禪師義韜之力也韜公道學精詣慧心朗悟以  
濟衆為務以興教為懷少游名都歷訪先達晚棲  
臨汝自闢師門甲申歲來詣京華褐衣請見對揚  
玉展躬奉天言論難所及辭義響答聖恩嘉矚贈  
以紫衣登門之徒莫不增肅韜公以斯院制度崇  
麗修奉精嚴金石闕如何以示後惠然見顧求我  
以文辭讓不獲因為之記年月日記

潤州甘露寺新建舍利塔記

貞貞

維皇宋二葉改元五祀潤州丹徒縣令王紀改築  
縣牆掘地得石函驗其刻文梁大同五年道人法  
序瘞真身舍利於此函中銅龕一龕中銀合一合  
中銀瓶二舍利七粒存焉而銅龕復有刻文則唐  
貞觀十二年再加營奉掌役者張遇獲之以獻遇  
也感貞應之在已念妙道之可修因投郡之慈雲  
寺削髮為沙門易名閻真精心苦行誓復前迹廣  
募衆施疇咨協心數年之間克果其願即以端拱  
元年夏四月八日遷致于郡之甘露寺東隅建浮  
屠焉獻狀而來求志其績粵

五

聖人在上欽若靈心政無不脩神靡不舉玄覽交

感坤元効珍用能使幽瘞之質煥然景彰塞崩之

迹蔚然雲今上御名然則澤及微隱福被含生其可知也

是郡也揚州之都會京口之重鎮六代之風流人

物綜萃於斯三吳之山川林泉肇發於此高深自

改氣象常存是寺也北固山之陰崖贊皇公之遺

迹崢嶸飛閣迴闕滄江遷迤岩房周行數里植一

之作遠適雲臻故真師因人之心相地之勝獲此

空隙建茲崇封材用不役必求善良規模制度必

據經法其高七十尺其周二十步八隅瑩玉五蓋

滄巖

文義有  
巖字

巖字本  
不空梅

凌霄冠星珠於觚稜海日先照圖雲氣於芬椽宿  
霧常棲中巖眸容肅然月滿旁績靈變煥若霞舒  
游居之徒莫不稱歎愚嘗見釋氏子為此役者多  
矣如真師者其涉道也淺其居處也卑上無許史  
之託下無倚陶之圖助若節以感物績微而著功  
不愚民不愆素而能事以立亦可尚也故嘉而志  
之端拱二年二月一日記

重建宓子賤碑陰記

單父縣宓子賤舊碑賈至文梁耿書天寶十年四  
月四日柳載建始致於故縣北隅琴堂之上光化

署

二年以縣為郡署縣令李知傑移理於今所碑亦  
隨徙措置不謹風雨所摧因折為數段扶置垣墻  
之間及今八十年矣皇宋撫運書軌大同人文化  
成清靜為理縣令毛君名庶幾越自江左來撫斯  
民見賢思齊好古博雅以為宓子之化人猶不忘  
賈君之文人共稱賞若棄之而不修非所以訓民  
事神也於是再建隆碣重書舊詞以鉉嘗學篆籀  
見求運筆梁氏之迹本自非工仍為倒薤之勢非  
八書之正也而又字體為俗文詞舛誤今以賈氏  
集校而正之遠擬秦李斯改為玉箸立於宓君之

大

祠庭事之宜也。以改作之意附于碑陰云：太平興國五年正月二十日記。

邠州定平縣傳燈禪院記

乾維巨屏，寔曰邠郊。其地險固，其氣剛勁。被宗周信厚之澤，詠王業艱難之風。是故人知徽福之方，俗嚴慈氏之教。精廬靜宇，隱轉相望。定平縣傳燈禪院者，帝位畧之左方，據郭邑之勝勢，四面環其趾，湮水盪其胷，却倚崇岡，爰標龍尾之號，上寫寒澗，仍有天河之稱。萬爾鮮原，鬱然佳氣。昔居唐室之季，四海崩離。中和四年，有禪師從一者，挺秀宗

栢

署

門從師臨海避難高舉擇地遐征萬里而來稅駕  
於此相其與壇有志盤桓羣心翕然助成其事買  
地築室者咸集橫經跣履者亦臻十年之間百堵  
斯建守官嘉尚請命于朝景福二年詔賜題署天  
光所及道譽彌高一公化去弟子佐範克嗣其業  
範之弟子知信復繼其任守之以恪加之以勤感  
召益多法事增廣殿堂像設靡不莊嚴儲峙器用  
無乏供億而經典猶闕講誦弗聞以為居今識古  
者存乎書觀象得意者存乎言金匱石室之宏規  
名山京師之故事此而不務何以為能乾德四年

凡

秋肇啓精誠指期繕寫邑人石遷等聞風而悅叶  
比其謀日就月將惟力是視卷以緡秩貯之琅函  
邑人高玘奉其家山以備今上鑿室未伐之備夫役未  
克俄而暴雨猥至山溜奔激屹然巨石自至院前  
取以給用宛契心匠雖廬岳神運之殿石頭後渚  
之梁感通冥囿符無以過也既而信公復沒以屬  
弟子令熙熙也遵行弗敢失墜而民非兆萬俗空  
倚陶漸以化之靜以俟之二十許年猶未訖事會  
中使王君名素分權莞之職督闡梁之征歸餘於  
終率籲衆力於是簡牘幾閣即日僱工俾下惟鑿

壁者得肆其勤研精索隱者不愆其義真風無浪  
介福來臻繫高士四世之勤垂本宗百代之憲宜  
其篆刻金石永示方來知余有好善之心專舊史  
之學求哉是用直書于時歲次壬辰淳化三年春

三月記

徐公文集卷第二十八

開化圖

徐公文集卷第二十九

東海 徐口口口銘

大宋左千牛衛上將軍追封吳王隴西公墓誌銘

大宋右千牛衛上將軍隴西郡公李公墓誌銘

大宋故處士贈太子少師李公墓誌銘

大宋故尚書戶部郎中王君墓誌銘

大宋故尚書兵部員外郎江君墓誌銘

大宋故陳留縣主簿贈太子中允李府君墓誌銘

大宋左千牛衛上將軍追封吳王隴西

公墓誌銘并序

盛德百世善繼者所以主其祀聖人無外善守者  
不能固其存蓋運曆之所推亦古今之一貫其有  
享蕃錫之寵保克終之美殊恩飾壤懿範流光傳  
之金石斯不誣矣王諱煜字重光隴西人也昔度  
堅贊九德伯陽恢至道皇天眷祐錫祚于唐祖文  
宗武世有顯德載祀三百龜玉淪胥宗子維城蕃  
衍萬國江淮之地獨奉長安故我顯祖用膺推戴  
溥耀之烈載光舊吳二世承基克廣其業皇宋將  
啓初既冥符有周開先太祖歷試威德所及寰宇  
將同故我舊邦祇畏天命貶大號以稟朔獻地圖

而請吏故得義動元后風行域中恩禮有加綏懷  
不世魯用天王之禮自越常鈞鄒存紀侯之國魯  
何足貴王以世嫡嗣服以古道馭民欽若彝倫率  
循先志奉蒸嘗恭色養必以孝賓大臣事耆老必  
以禮居處服御必以節言動施舍必以時至於荷  
全濟之恩謹藩國之度勤脩九貢府無虛月祇奉  
百役知無不為十五年間天眷彌渥然而果於自  
信怠於周防西鄰起釁南箕上禍投杼致慈親之  
感乞火無里婦之辭始勞因壘之師終後塗山之  
會口太祖至仁之舉大賚為懷錄勤王之前効恢

會下空格

焚謗之廣度位以上將爵為通侯待遇如初寵錫  
斯厚

今上宣猷大麓敷惠萬方每侍論思常存開釋及  
飛天在運麗澤推恩擢進上公之封仍加掌武之  
秩侍從親禮勉諭優容方將度越等葬登崇名數  
嗚呼閔川無捨景命不融太平興國三年秋七月

八月今上疾薨于京師里之第享年四十有二

皇上撫几興悼投瓜軫悲痛生之不逮俾歿而加  
飾特詔輟朝三日贈太師追封吳王命中使泣葬  
凡喪祭所須皆從官給即其年冬十月日葬于河

南府某縣某鄉某里禮也夫人鄭國夫人周氏勲  
舊之族是生邦媛蕭雍之美流詠國風才實女師  
言成閭則子左千牛大將軍某襟神俊茂識度淹  
通孝悌自表於天資才略靡由於師訓日出之學  
未易可量惟王天骨秀異神氣清粹言動有則容  
止可觀精究六經旁綜百氏常以為周孔之道不  
可暫離經國化民發號施令造次於是始終不渝  
酷好文辭多所述作一游一豫必以頌宣載笑載  
言不忘經義洞曉音律精別雅鄭窮先王制作之  
意審風俗淳薄之原為文論之以續樂記所著文

於 樹

集三十卷雜說百篇味其文知其道矣至於孤矢  
之善筆札之工天縱多能必造精絕本以惻隱之  
性仍好竺乾之教草木不殺禽魚咸遂賞人之善  
常若不及掩人之過惟恐其聞以至法不勝姦威  
不克愛以厭兵之俗當用武之世孔明罕應變之  
略不成近功偃王躬仁義之行終于亡國道有所  
在復何媿歟嗚呼哀哉二室南峙三川東注瞻上  
陽之宮闕望北邙之靈樹旁寂寂兮迴野下冥冥  
兮長暮寄不朽於金石厥有傳於竹素其銘曰  
天鑒九德錫我唐祚綿綿瓜瓞茫茫商土裔孫有

玄

於

慶舊物重觀開國承家彊吳跨楚喪亂孔棘我恤  
疇依聖人既作我知所歸終日靡俟先天不違惟  
藩惟輔永言固之道或汙隆時有險易蠅止于棘  
虎游於市明明大君寬仁以濟嘉爾前哲釋茲後  
至亦全上亦見乃侯乃公沐浴玄澤徊翔景風如松  
之茂如山之崇奈何不淑運極化窮舊國疏封新  
阡啓室人諗之謀卜云其吉龍章驥德蘭言玉質  
邈爾何往此焉終畢儼青蓋兮袞袞驅素虬兮遲  
遲即隧路兮徒返望君門兮永辭庶九原之可作  
與緱嶺兮相期垂斯文于億載將樂石兮無虧

大宋石于牛衛上將軍隴西郡公李公

墓誌銘

公諱從善字子師隴西成紀人唐室之諸孫元和  
之近屬譜牒詳悉此不具陳若夫天祚之德大運  
有時而極積慶之祀百世無得而踰必生克肖之  
賢以承有後之應保姓受氏公實宜之昔者土德  
既微羣雄角立維我顯祖奄宅舊吳延祚四紀傳  
國三世公以天屬之愛膺寶玉之封始在膠庠已  
有名望姿儀秀出文學生知仁孝極於事君謙抑  
形于下士中外之論翕然稱之由是受任六官交

於揖

玄

真

修庶職彌綸舊典諮訪老成恪居無違所至皆理  
于時聖人出於中土正朔及於四方維我先君祗  
畏天命受盟請吏息民弭兵玉帛交馳冠蓋相望  
公親則介弟位則中台獨奉絲綸留恭槐棘元戎  
駟牡分建節之權玄冕九章奉侍祠之列朝獎既  
厚臣誠益恭後凋之葉無渝萬頃之陂自若故得  
全名節於危疑之際保恩顧於終始之間環衛迭  
遷寄任增重盤根必解師律以貞十有餘年其志  
如嗚呼修塗方騁景命不融春秋四十有八雍熙  
四年秋九月薨于通許護軍之廨詔輟朝一日賻

絹百匹即其年冬十月十三日葬于開封府開封

縣吹臺鄉蘇里村太夫人凌氏之塋禮也前夫人

徐氏繼室周氏並早卒皆有蕭雍之德窈窕之華

宜家治內盡其規魚軒象服昭其盛子十四人仲

顛仲翊仲衍仲華仲雅仲穎仲寧仲簡仲彬仲文

仲猷仲玄仲義仲端女十四人慕英懿鄉奉顛蘊

蘭正容茂節稱仙惠昭如賓道崇鳳兆幼貞閨秀

季貞或嬪于盛族或待禮未行惟公生于深宮特

稟異氣謙而得禮和而執中容納直言賓延素士

經歷夷險雅度不渝六年未登終古同嘆銘登門

玄

穉貞

貞

數

樹

斯久辱顧殊深永惟知己之恩願表為陵之谷其  
銘曰

真源引派仙李垂芳實生我公金玉其相非禮勿  
動出言有章忠信以濟終然乞臧三代之姓倏焉  
為庶九萬之程溘然中路吹臺北峙浚川東注不  
植刺草長瞻宰樹大雅君子隴西公之墓

大宋故處士贈太子少師李公墓誌銘

并序

道之泰也賢人振衣而濟物時之否也君子括囊  
以獨善其有修之家而手教於俗無其位而博施

於驚

貞

於人角立傑出蓋亦難矣公諱某字某庭堅邁德  
百世流光源長派遠蕃衍郡國今為常山真定人  
也祖某贈太子少保考某贈太子少傅公即少傅  
第三子也幼而岐嶷長而純孝承穎先意實稟生  
知七歲丁太夫人憂泣血絕漿殆于毀滅宗族驚  
異謂之神童事兄弟人莫能間先是唐之叔世燕  
趙多虞故我先人累世貞遯公亦奉家法咸樂丘  
園躬耕敦本儉以足用百年之業是享素封既而  
天下兵興生民益否公盡出私積以均有無為食  
以救飢歎微嗟采之謂焚券以贖乏絕非市義之

於

求遠適之人全濟甚衆懷仁向義者撫之既無於  
色背惠棄信者接之亦無愠容襟懷曠然莫窺其  
際慈愛惻隱視人如傷昆虫草木無所天闕故閭  
里率化風俗以和崇儒尊道墳籍未嘗釋手喜酒  
好客醒醉必與之同常以為芳華易凋光陰不駐  
發于吟詠以寄其情黎杖角巾所至皆造是非擾  
擾若蚊蚋之過前愚智懂懂若螺羸之在側至矣  
哉古之達者也聞運末有晉失御檢狃孔棘公挈  
家南度居于胙城伯氏飛龍府君時在滎陽召公  
同處廣順三年夏六月日終于鄭州私第享年四

十有三夫人清和郡太夫人張氏以謝女之淑德  
狗萊妻之高節宜家理內令問藹然威姑性嚴諸  
婦皆聳夫人順而得禮勤而無怨晨夕參侍獨被  
深慈凡飲食藥餌須經夫人之手然後即御長如  
亦頗嚴厲夫人事之如姑或被誚責怡聲致拜由  
是閨門之內不肅而成及罹恭姜之哀更全孟母  
之訓諸孤稍長教以學文為之擇師及為之致經  
籍凡學舍賓館之所須者輟衣食指簪珥以奉之  
躬截髮之惠俾其親仁引斷織之言誠其中廢故  
諸子皆立門戶如初越建隆二年秋七月十日終

於

于鄭州私第享年四十有五長子格大理評事次  
子至史部侍郎兼秘書監吏部以文學冠時擢高  
第於聖鑒以才業膺世參大政于中樞以疾告罷  
復為少宰天子祕御書于中禁命我專掌式恢文  
教時人榮之先是少師之葬也世猶多故禮或有  
闕及夫人祔也塋地逼隘介于羣冢之間若子曰  
非安神之宅也即以端拱元年冬十二月十三日  
改卜于鄭州管城縣某鄉里原禮也鉉鄉里遼夔  
聲塵致暎謁來京師獲與吏部游處觀于公高門  
之盛知臧孫有後之由公之行實皆聞于輿論或

於

連下  
於

貞

貞

得於家老梗槩而已不能備舉也金石之紀宜在  
鴻儒惠然見顧辭不獲命謹為銘曰

天生賢人以佑生民生民數奇賢人隱淪修之于  
家富以其鄰里閭率化宗族歸仁樂天知命全和  
保真鳳皇于飛以况嘉耦伯鸞之妻士行之母婉  
淑宜家嚴慈啓後金鈞鵲印魚軒紫綬令問無已  
流光不朽刻此貞珉高深共久

大宋故尚書戶部郎中王君墓誌銘

君諱克貞字守節其先太原人也緱山之曹本園  
源長淮水既微枝分派別所居占籍吳楚為多今

於

為廬陵人矣曾祖某不仕祖某贈吉州別駕考某  
屯田郎中君弱不好弄幼善屬文風骨峻整器度  
閑雅年未及冠名聞于時自唐室之季詞場道喪  
江左延祚復覩舊章翰林學士江君文蔚典司春  
官詳求藝實取人至寡較文尤精君一舉擢第一  
冠諸子時人以為追蹤元和之際矣明年以秘書  
省正字釋褐寫直樞近專掌文翰之任措詞典雅  
叙事詳審守位以慎當官以勤由是二十餘年累  
遷至中書舍人樞密副使未嘗佞任求之前載亦  
為異矣及未葉多故時政浸衰唯君守道中立不

涉浮議及宗國淪喪策名天朝自太子中允歷戶

部兵部二員外郎禮部戶部二郎中典漢滑襄梓

四州事皆以寬簡為務仁愛推誠當時之不名臣

僕長孺之擇任丞更是故民以之睦政以之修端

拱二年秋自梓潼還至京九月十八日今上疾終于

興州之傳舍享年六十明年某月日葬于楊州某

縣鄉里禮也夫人隴西縣君李氏早亡無子女一

人許造鹽鐵使諫議陳某惟君有文雅之用有周

慎之誠言行相顧光塵不異奉職無廢舉在私無

惰容歷夷險而不回保始終而無吝初君始從鄉

冥

樹玄

薦余已典綸誥謬為先達屢辱請益及余消長在  
運而君金石不渝古人之風於是在矣已悲深谷  
更闋逝川發為哀詞識彼泉戶銘曰

猗嗟夫君心宜氣純英英達士亶亶詞臣不愆於  
位有惠於民無悔無咎不緇不磷吉往凶歸道悠  
運促旋自九折復于左轂駟馬悲鳴市人行哭邈  
矣彼蒼云何不淑悠悠邦水隱隱崑岡慈親臨奠  
令季持喪夢羅宰樹下悶於堂郊原掩靄雲日冥  
茫痛光塵兮水已念蘭菊兮徒芳

大家故尚書兵部員外郎江君墓誌銘

讓

弦

貞

君諱直本字子建尋陽人也廬九之地時生俊才  
忠壯之族世著南國末葉湮替與時汙隆儒墨退  
讓垂為家法曾祖晁祖蟻考隲皆不仕伯父夢孫  
與先君同隱廬山以經學大義自娛伯父後膺宰  
府之辭自求弦歌之任報政罷去復隱舊山孝友  
貞清鄉里推服先妣李氏方娠夢神人授以直木  
一本寤而生君故取名焉幼而穎悟生知經義七  
歲以神童擢第未幾丁先君憂至性孺慕宗族稱  
歎孜孜色養無復宦情學古屬文惟日不足爰及  
弱冠遂以詞藝知名其為文清淡簡約自為品格

立於於

尤長於古風詩家居凡二十五年親友敦喻乃從  
常調釋褐太常寺奉禮郎轉江都縣主簿直以事  
上不失其恭勤以率下畢舉其職民從其化吏服  
其能府尹陳玄藻縣令路儀皆恃才傲物獨推重  
于君以為不如也改江夏令其理如初鄂帥何洙  
武勲致位性復暴桀亦加優禮異于餘人嘗視君  
舉止迂緩車服朴野輒怡然而笑每責諸寮屬曰  
君輩稱為儒生不學江令也秩滿改蘄州黃梅令  
議者以為屈君以鄉曲俯接欣然而往踰歲遷歙  
州黟縣令會宗屬封建妙選府寮授君記室之任

金

處平臺復道之地列璫簪珠履之間清節素風凜  
然不改正詞直道動必盡規府公甚重之十有餘  
年累遷至水部員外郎賜緋而記室如故庚午歲  
府公奉使天朝留鎮兗海授君泰寧節度判官檢  
校僉部員外郎數年遷司門員外郎判刑部今上  
元年加朝奉郎先君贈大理司直先妣追封隴西  
縣太君視事三載求外任以自效以君恭勤詳慎  
宜久其職拜兵部員外郎仍兼刑部享年六十有  
四居常康寧微病數日奄從物故時太平興國五  
年冬十二月二十八日也即明年二月十日葬于

豐

貞

貞  
貞  
貞

於

開封縣汴陽鄉豐臺里禮也前夫人封氏今夫人  
太原縣君王氏皆有窈窕之質幽閑之操叶此貞  
節蔚其門風長子敞京兆府醴泉縣主簿次曰用  
成用明用澄用康用平用文用寧女二人曰慕昭  
用貞君生於季俗世全素業性純貌古行潔文高  
守道安貧非禮不動未嘗忤物亦不隨流真所謂  
鞠躬君子者矣夙惠之性稟于天資年十餘歲侍  
伯父食不過園蔬而已伯父戲之曰啜白薤之美  
淡而無味君應聲荅曰齧紫茄之蒂鏗爾有聲人  
知其當大成也余始聞其名晚乃識面察言觀行

重其為人藩房見選余所薦也亦既稱職頗嘗自  
多丙寅歲與君俱年五十歲日會飲酒相與賦詩  
君先就曰學易寧無道知非素有心余遂不復作  
也君有文集二十卷嗚呼契濶夷險咨嗟年鬢一  
生一死孰克忘情聊存挂劍之期故有刊銘之作  
其詞曰

嗚呼江君世濟其名生今之俗為古之人閨門侃  
侃鄉里恂恂其實如秋其華如春握蘭有裕伏閭  
惟勤考終歸全邈焉清塵葬予所沒古稱達者浚  
水長源夷門迥野徒挂寶劍空馳白馬勝氣如存

於

浙川不捨勒石垂芳千載之下

大宋故陳留縣主簿贈太子中允李府

君墓誌銘并序

府君諱某字廣途其先隴西狄道人仙源帝系蕃  
衍萬邦隴西一族獨為鼎甲中葉從官國家雍丘  
今為縣人曾祖巢祖禮皆不仕考洪蔡州長史府  
君清明稟氣才智夙成幼而屬文已洽時譽既志  
學通左氏春秋未冠即為講說橫經請益虛往實  
歸微言與義別為編錄年二十三舉進士再不中  
第後唐天成初宗人璩為太宗正見而器之曰王

羸  
辭

室多故吾道未光得祿而已何必是也乃表為屬  
吏委以牋奏丞相鄭公珪奇君之能特除蔡州汝陽  
主簿奏課連最改冀州南宮主簿于時期運告謝  
河朔多虞君內撫疲羸外給軍旅民安事集郡國  
稱之澤潞節度侍中馬公存節聞其名辟為管記  
薦章連上制命弗臨君知命之不遭乃謝病而退  
閉門却掃以名教自娛漢氏初基羣心改屬親友  
教喻復詣京師直道而行焉往無吝又為興平河  
東二主簿秩滿以常調當遷望令時皇運肇啓多  
士狗名君之次子巨源已從鄉薦獲知於尚書陶

署

公公時與選事謂曰文人才高運否遭迎下位區  
區一宰未足為先孰若復佐近畿以便吾子之舉  
事不亦可乎乃除陳留主簿乾德六年春三月四  
日終于縣署享年六十有八夫人追封琅耶郡太  
君王氏緱山仙沚河洲懿德婦道以順家人用嚴  
睦族惟和訓子由義以乾德三年月日先逝俱權  
殯于縣之乾明寺至雍熙五年二月日合葬于開  
封府開封縣吹臺鄉蘇村禮也子五人長巨舟早  
亡次巨源擢進士第令為都官郎中鹽鐵副使次  
巨載以疾家居次巨川卿及二女皆早夭惟若懷

貞

李

恬淡之性秉貞介之規孝於奉親仁以睦俗雅志  
宗道餘力攻文有孔墨之志無管樂之遇淹翔末  
路從容自若所至之處輒鑿茅齋延高士談宴終  
日會無倦容嘗謂諸子曰吾志在大名非欲孝世  
欲行吾道爾時命不偶古則皆然汝輩宜勉成吾  
志也而巨源果能奮奇藻提高科際會聖明騫翔  
臺閣長才利刃應用忌疲追遠之澤漏于衆卜完  
之儀由乎禮積善之家斯在大名之應何慙仁人  
孝子正當如是鉅嚮風斯久頌蓋甚歎不朽之文  
惠然見託賢賢善善翰墨之任也故來家謀勸于

貞

貞

結句奇則不空

貞珉其詞曰

才高位下古實有焉積善餘慶神宇捨旃邈哉李  
君一時之賢其身則屈其道斯全餘慶伊何寔有  
令予奉之以孝葬之以禮蜃輅同載佳城雙啓九  
原與歸三廟而祀遺愛被俗沒而不亡貞珉頌美  
久而彌芳軒如京兆地即桐鄉綿綿瓜瓞永永流  
光

徐公文集卷第二十九

L

開化圖書館

Kaichua Library

徐公文集卷第三十

七

徐公文集卷第三十

東海 徐曰曰鉉

故唐慧悟大禪師墓誌銘

故唐衛尉卿保定郡公徐公墓誌銘

故唐水部郎中崔公墓誌銘

故汝南縣太君周公夫人墓誌銘

大宋故亳州蒙城縣令曾君墓誌銘

故唐內客省使知忠義軍尚公羨道銘

故鄉貢進士劉君墓誌銘

故唐慧悟大禪師墓誌銘并序

士有佩服聖道闡揚師訓進不累於軒冕退不滯  
於丘樊務勤身於濟衆不養高以絕俗其唯仁人  
矣大禪師名冲煦字大明姓和氏昔者帝堯光宅  
天下我祖世掌天官保姓受氏冠冕百代在漢則  
調鼎之重在晉則專車之賢末葉湮沈徙居固始  
先君徙郡豪王氏南據閩方今為晉安人也大禪  
師生稟異氣幼從玄機年十有五詣鼓山興聖國  
師出家即具戒品博覽經史雅好文詞郡多俊秀  
咸見推仰證無為之理演不言之教綽為先達端  
然妙門居城北之深山于時王氏衰淪亂臣專恣

玄

昇

淫刑飛語虐及善人大禪師杖策去之適臨川郡  
中書令宋公齊丘作鎮南楚頗尚空玄聞師之來  
遠加延納言意不合拂衣而行下至池陽郡守王  
公繼勳鄉國之舊賓禮甚渥時李唐二葉像教方  
興嗣君聞其名召與之語移晷而罷眷矚殊優命  
居光睦禪院復遷長慶道場俾與儲貳游處實羽  
翼也後主即位恩旨加隆特賜法智禪師之號廬  
山開先禪院者嗣君所創真容在焉命大禪師居  
之精嚴修奉之儀以申因極之感居數年召還建  
康止報恩禪院加號慧悟大禪師名其所化曰智

於

影宋本不空

玄

度堂精廬柳比選勝而處禮秩之數有踰于前出  
則居奉先道場入則居淨德內寺開寶七載夏六  
月寢疾旬餘乃——大衆與論生死之理十九日  
清旦上疏告辭後主遣使問之至則化矣享年五  
十有九住法四十四年即其月二十五日從西域  
之禮收靈骨葬于鍾山之陽禮物官給中使監護  
至某年月日弟子省才遷于廬山某所遵理命也  
大禪師風骨秀整機神穎悟博該衆藝綜以玄談  
王公大人咸所欽尚鉉非學釋氏者不能言其道  
業徒以傾蓋之分久要不忘今京師復與才公胥

於

境

於

會才公以文藝精敏見重于時永惟嚴師之義願  
刊不朽之迹嘉其偉志為作斯銘銘曰

慧悟禪師釋雄之奇有文飾已有道膺時生延世  
寵沒有遺思歸舟翩翩九江之涓鑪峰勝境蓮社  
餘基門人稟訓遷神于茲哀翁懷舊勒銘誌之蘭  
菊無絕高深與期

故唐衛尉卿保定郡公徐公墓誌銘

公諱迪字昭用東海人也仁義之習繁衍萬邦別  
族於太史者十家因封而占籍者四郡而有邦之  
邑鉅人寔多著于簡編可以揚擢唐室云季天下

於

崩離江淮之間獨為漢守惟我大父首從義兵受  
遺戡難同伊尹之相太甲字孤立後如有虞之保  
少康故得勲銘鼎鍾世享茅土連姻合族與國存  
亡考諱知詢為江西節度使公生于郡廨方孩而  
孤四歲免喪即加五品之服幼學就傅遂疏百里  
之封立朝侍祠息禮優渥自太子中允累遷至衛  
尉卿天姿嚴肅常持謙下之禮世祿隆盛每存恭  
儉之規不讀非聖人之書自為保家之主恩不出  
位時無間言始終一心出入三紀嗚呼星迴日薄  
棟折榱崩命有所懸義無苟免享年四十有六開

寶八年冬十一月二十有八日沒于難明年春

於

寶八年冬十有一月二十有八日没于難明年春  
三月權窆于大塋之側至某年月始備大葬之禮  
卜祔焉夫人王氏張氏劉氏皆早世並南朝之名  
族享小君之命數壺儀婦順彤史存焉于太素太  
初太冲等皆修令名不墜前訓故能以淪胥之後  
具飾終之禮奉先之孝時以為難宗人永懷是有  
紀述辭曰

於惟我宗昭時顯庸積德垂範爰生我公出孝入  
悌夷心直躬生能業官没不忘忠是有慶靈鍾于  
令子不墜其訓美之以禮謀卜謀筮維桑維梓神

於

道永謚流光不已來者難誣斯文用紀

故唐朝散大夫尚書水部郎中崔君墓

誌銘并序

公諱致堯字用之其先清河人也周室大風肇洪

源于公望漢庭明月抗忠節于季瑋德厚流光謀

孫翼子冠蓋之盛莫之與京我高祖翼亮有唐四

至丞相曾祖彞不仕祖潯吏部員外郎考億建州

建陽今值天下亂因而家焉今為建安人也君少

而不羈長而好學介然如石非禮不行鄉曲之名

籍甚于世季唐嗣業博采詞才君以卿族之秀獻

於時

於

書求試補江州彭澤縣徐州清流二主簿改建州浦

儉  
亡  
貞

趣

書求試補江州彭澤滁州清流二主簿改建州浦  
城軍判官所至有聲應用不暇再為建州將樂令  
其地巖陰其民獷悍寇攘罔匿率以為常君厲以  
嚴明信其刑賞汙俗咸革比戶安居遂獲貞幹之  
稱又遷紀綱之任改常州錄事叅軍連考善最擢  
拜殿中丞遷虞部員外郎郡國之政多使案治忘  
身拘節綽有能名無何都下受兵羣師入援以君  
為永部郎中實掌軍饋既而時運告謝宗社淪胥  
諸侯之師莫不卷甲君與其部將南趨建安中塗  
衆潰遂沒於難春秋若干嗚呼興亡之數聖賢安

於

頴

貞

光光

能免忠義之節顛沛必于是不然何以見伯夷首  
陽之風王蠋布衣之操也夫人吳氏克有婦德能  
緝素風貌是流離不墜門閨子憲寔定等皆稟庭  
訓咸修詞業憲在舊國以進士擢第八朝為頴州  
沈立尉復徙州里之舉 皇上臨軒親試又擢高  
科為隨州觀察推官所謂善人必有餘慶某年月  
日憲等始脩大葬之禮號奉靈柩寔于某州縣鄉  
里之原禮也 茲素熟君行學因銘墓焉銘曰  
嗚呼崔君百世清芬忘身殉國斯為貞臣種德垂  
訓斯為慶門光光故園歲歲高墳沒而不朽用勒

斯文

故汝南縣太君周氏夫人墓誌銘并序

夫人諱某字某廬江舒人三國時吳將公瑾之後  
公瑾葬于舒之宿松今裔孫奉祀者百餘家雖降  
在畎畝而時生間傑烈考諱本幼而遇亂自奮從  
軍吳王創基功冠諸將季唐建業位列宗臣官至  
中書令封西平王夫人即王之第某女也天姿玉  
瑩淑性川渟孝德內融柔儀外映既笄歸于徐氏  
府君諱某即唐相司徒公珣之第某子也于時江  
左方盛二族齊榮婚姻之貴雄視王謝而夫人雅

位 第 第

性謙謹率由禮經至於蘋藻之嚴佩環之節澣濯  
之儉織紵之勤必以身先因弗由道宗族親睦人  
無間言府君任為閤門副使殿中少監早卒四子  
皆幼夫人提携教訓親授經書及其出就外傳已  
通孝經論語矣性曉音律而尚雅聲善絲竹而精  
琴瑟習孝經而宗玄言齋居諷誦未嘗懈怠雖閨  
門之內常以慈撫而家人之節有若嚴君故其門  
風肅然先業不墮豈非天和充已而道氣感物者  
歟春秋四十八開寶九年正月二十一日終于建  
康瑞里官舍其年二月葬于江寧縣鳳臺鄉婁侯

朝命

實

里長子某亦為諸司副使及入朝為京兆府醴泉  
令陝州錄事參軍公府交薦遂升閩籍太子右贊  
善大夫夫人始以子貴授汝南縣太君至是復追  
崇馬次子繼宏舉進士次繼宇次繼宗初夫人之  
亡會宗國淪覆窀穸之事不暇如儀至太平興國  
某年月日繼宗等始改窆于某所附大塋焉禮也  
鉉與西平諸子辱為交遊及相府宗黨復敦事舊  
故得以門內之理為隧道之銘傳于無窮斯為寔  
錄銘曰  
侯藩之子相門之嬪道高萊婦德邵陶親猗歟彤

賀

管永世芳塵生榮沒哀何必眉壽粉田啓邑斯為  
不朽令子承家斯為有後孤卻降替二族依然陵  
谷遷賢松楸附焉謂天蓋高福善胡德勒銘泉戶  
蘭菊綿綿

墓誌銘  
大宋故亳州蒙城縣令賜緋魚袋曾君

君諱文照字知章其先魯人百行之先垂為家法  
子孫蕃衍不隕其聲末葉因官徙居南楚今為廬  
陵新塗人也祖朴考福皆不仕君生稟異氣卓然  
老成六經之旨有若夙習于時江表之地唐室猶  
朴福  
皆旁  
寫

與憲章文物不失舊典君年七歲應州里之舉以

與憲章文物不失舊典君年七歲應州里之舉以  
神童擢第選滿補江州東流尉遷靖安句容二尉  
皆以清白敏惠承上率下和有正能不自矜連  
考殊尤擢為吉州太和令桑梓之地瓜李多嫌君  
閨門之行素脩童艾之情已信而復臨事能斷盡  
公無私由是暮年政成就賜朱紱會宗國淪覆舉  
族入朝授亳州永城令舟車輻湊之地郵傳旁午  
之塗盤根錯節發矧靡滯事無愆素民不告勞上  
疏論以一邑之衆供列郡之賦指引利害較然可  
分詔特許免其縣挽船夫歲省萬計改蒙城令其

培

於行

士

徐公集三十

理益精頃之河南大蝗獨不入蒙城之境於是吏  
民相率詣闕借留優詔褒美許留三載會王師北  
討君督本縣運輸深入虜庭危而後濟既還遇疾  
以雍熙三年四月日終于永城傳舍享年若干初  
君之赴選也余遇之于建康察言觀色知為良士  
因以表甥女姜氏妻之有子六人女八人君之從  
仕世塗多故王事靡盬不遑顧私雅志未申中路  
早世唯第三子乾度再舉進士名聞場中有後之  
慶當在於此即以某年月號奉靈柩歸葬于某鄉  
里祔大塋焉禮也嗚呼姻舊之故豈無佗人援毫

需弟識皮陵谷其銘曰

濡涕識彼陵谷其銘曰  
有惠於民死事以勤嗚呼曾君永世清芬仙山之  
陰章江之濱考終歸全下從先人刻茲琬琰垂示  
後昆

故唐內客省使知忠義軍檢校太傅尚

公羨道銘

公諱全恭字子初其先清河人也粵若天監代商  
文王受命渭濱卜獵尚父膺期實始華宗誕彰餘  
慶在漢則丘園之盛德在唐則藩屏之名臣蕃衍  
孫謀著之家諫祖慤潤州館驛巡官因家焉考公

廼為昇州牙將為郡守馮鐸使于淮甸與吳武王  
議疆事抗詞奮勵誓不辱命明年而馮氏兵敗悉  
衆歸于廣陵吳王得之甚喜曰汝為馮公詎我真  
義士也今事我無易爾心即以右職處之賜與甚  
厚由是感激知己竟死事于鄱陽以故三子皆獲  
叙錄累贈右千牛將軍公即第三子質性端慤容  
貌矜嚴吉人寡詞非禮不動季唐有國公仕為客  
省丞旨先主器之特加任使凡所授職皆與先達  
長者侔勤以繼之所至皆理累遷至館驛副使嗣  
君即位轉閭門副使遷客省引進使凡時務制獄

予

多命公與馬循理持平甚獲時譽宣布詔命出納必信監護師旅威惠得中不從諛以取容不矯激以忤旨故考績無玷而主恩益深累遷內客省使後主即位兼領閣門使遙領婺州刺史初國之戈船皆屯於石頭城之後盧龍鎮下命曰龍安軍旅之重任也於是復兼龍安軍使明年改潤州監軍使權領州事善於為政大洽民謠逾歲徵還遙領饒州觀察使兼左龍衛神武護軍公固辭兵柄闕嶺之地巖險遼遠鎮守之寄常以為難又命公知忠義軍兼建州事涖政三載建人安之會都下受

署

兵羽檄相望公調發軍實應接舟師奔命之衆道  
路相望猶以不獲身先憂憤成疾朝廷方命公為  
節度觀察等使留後檢校太尉使者未至甲戌歲  
冬十一月二十五日卒于公署享年七十以十二  
月二十三日葬于建安縣某鄉某里前夫人蘇氏  
繼室安樂縣君孫氏皆早卒子三人審元審庸審  
能公以忠烈之風處親近之職守以周固齊以法  
度身貴而志遜祿厚而持廉凡同列者使于諸侯  
率多貪求浸以成俗公獨淡然無取出入垂橐士  
君子以此重之及邦國淪胥豪右降替向之聚斂

有

貞

者翦焉無餘唯公令嗣克家門族如故識者知有  
天道矣鉉少參近密與公常接笑言道義相期有  
若察舊聲塵永已慷慨長悲惜其風猷思其論議  
昔裴子野之卒湘東王為誌矣而邵陵王又銘於  
羨道羨道有銘自此始也故仰圖前躅追而銘云  
表海之慶世載厥聲展矣君子心純道貞恭職軒  
陛申威禁營將命四方宣風百城哀哉不淑永矣  
忠誠舊國禾黍交情死生濡毫頌美愴愴需纓

故鄉貢進士劉君墓誌銘

君諱鷄字仲翔其先彭城人也炎靈之裔繁衍萬

則於讓

人

無之字

邦占籍廬陵蓋重世矣高祖澠祖珍皆不仕父雄嘗從九江辟司兵掾自免去職閨門之教不肅而成有三子君其仲也質性純素智識聰敏年十有五即知屬文未及弱冠馳名矣至和事親孝事長悌與朋友信接鄉黨讓動不違禮居常慎獨故州里耆耆與時之名輩推重焉郡舉茂才擢升上第明年而宗國淪覆君慨然知時之不利也於是閉門却掃為學益勤以為今之文人率以詞賦取高先王之教化蓋蔑如也乃擬天下之務論古今之變著法語八十一篇大抵宗尚周孔以質百氏之

考

惑視其書知其人矣皇宋二聖崇古尚文郡國孝  
秀親臨考覆君以詞場舊望復為本郡升聞余與  
翰林學士賈公承詔先考第于南宮賈公重君之  
文以為古人之俊也乃第為高等而君拘難進易  
退之節稟外敏內愚之容及其敷庭復不中選退  
還鄉里篤行如初雍熙三年九月卒于家享年四  
十有三嗚呼有才有時命不我與自古同歎可勝  
道哉遺文累裛不朽之謂也即某年月葬于本縣  
化龍鄉折桂里之原禮也君娶郭氏先十日而亡  
子師望文綺皆得父風其有後矣二女長適太原

詞

貞

郭方次遷隴西李其師望以余為父之知己也故

千里號訴求誌其墓云銘曰

嗚呼劉生江楚之英才識無茂時命難并沒于白

屋闕此泉扁立言可法何必浮榮刻茲貞石永爾

高名

徐公文集卷第三十

嘉慶庚申秋七月二十七日用影宋大字



影宋大字本校每葉  
二十行每行十九字間  
有十八字二十字不等  
無使字

季

鉉

季  
稚

宋故金紫光祿大夫左散騎常侍上柱國東海縣

開國伯食邑七百戶責授靜難軍節度使

馬徐公年七十六行狀

公諱鉉字鼎臣其先東海郟人也周德之哀偃王

以仁義所歸者七十餘國乃遜于江淮之南會稽

太末里有廟存焉積慶所鍾令嗣蕃衍故自烈考

已上皆生于會稽公所譔改卜合葬烈考太夫人

於洪州西山墓誌詳矣公與弟錯屬烈考即世年

皆幼穉太夫撫育教導資以生而知之咸以雄文

興學克振令譽公未弱冠以廕釋褐為校書郎直

奏

此行擠一字

宣徽北院機命文翰定專司之以名御密稱先主即

位以本官直門下省賜緋試知制誥辭達典雅智

効勤恪嗣主初拜祠部員外郎知制誥後親受命

草詔者無所經據不根事實繇是駁議忤旨左遷

泰州幕職途中詩云浮名浮利信悠悠四海干戈

痛主憂三諫不從為逐客一身無累似虛舟滿朝

權貴皆曾忤遶郭林泉已遍遊唯有戀恩心不改

半程猶自望城樓謫居三年嗣主知其無罪徵復

本官仍知制誥公餘力攻篆書度越陽冰而與李

斯為等夷著質論十四篇極刑政之要盡君臣之

徐公傳於世所為不朽矣文書論議與故贈揆相

章

此行齊一字

際並傳於世斯為不朽矣文書論議與故贈揆相  
韓公同志齊名時人謂之韓徐及江淮之平建州  
也而福州與越人拒命不服使陳覺馮延魯招撫  
之未報遂擅興兵攻取時軍帥不一聽而無上又  
出不以律衆敗績而退乃歸罪二使將誅之時陳  
覺之使國老宋公之所舉也於是上表待罪蓋欲  
救解之遂械二使以歸聽命公與韓公議救此二  
人則萬姓謗讟之怨歸于上二使首領之惠在於  
齊立辱國容奸斯為巨蠹遂同上書極言其罪追  
正刑書克協衆心式沮狂計嗣主親批荅疏略曰

此行擠字

此行十八字

昨陳覺之行實太傅舉之矣及師敗之後事下有  
司太傅無救拔之詞有自訟之表以是之故得不  
再思何者先朝舊臣國家元老不唯舉人偶失可  
得興言直是謀之不臧亦未有加罪之理昔魏武  
帝乘降劉琮之勢將兼并吳國張昭時居朝右為  
吳老臣一旦勸請其君臣妾於魏此謀不以為拙  
曷以為拙乎賴周瑜輩力爭而止之及魏師之敗  
昭亦晏然自處吳大帝亦不之見責彼二子孤若  
懷憤排之意戮之久矣此際長流遠郡斥為廢人  
五木被身一家狼籍永從流放與死何殊卿等憂

國情深除奸意切諸所徵引批荅未殫公與韓公  
同表謝略曰伏讀批荅曰卿等憂國情深除奸意  
切是陛下知其奸也又曰永從流放與死何殊知  
陛下必不用也既知而棄雖在何為公事君匪躬  
嫉惡好直危言危行始終不變率此類焉尋徵拜  
中書舍人公嘗誘掖後進苟有一善必延譽之潔  
己請益者亦誨導之不懈壬子歲翰林學士江公  
知貢舉始以進士王克貞等三人及第盡復舉場  
之故事獨由公左右贊成之江公即長興三年盧  
華下及第嗣主因問北朝取人何如卿此來江公

貞

此行擠一字下行同

唯  
張緯

對以北朝公薦私囑相半若此來難以公道選材  
實無有此事嗣主甚善之中書舍人聞之以為皆  
大朝及第不本江公之意甚銜之時宰執皆非名  
第同力欲罷此科遂下制輟應舉焉明年公無判  
文理院遂首言此事終復不可遽止乃以進士張

仲尼

鳳賦朱觀老子猶龍賦郭賁無聲樂賦

印葵石城虎踞賦寫之以進遂下制云去歲所司  
上言暫罷貢舉本難久廢况以經季其諸色舉人  
並宜依舊解送自此不復廢矣公之為文長於典  
雅直而不迂以理勝為貴其武成王廟碑序末云

備材

於

於  
於  
於

詔

詞

此行擠一字

微臣學愧常師用慙無備承明再入故無經國之  
 才宣室徵還幸對受釐之問將使延州聽樂長聞  
 雅正之聲圯上受書世出帝王之佐蔣莊武帝廟  
 碑序末云微臣潤色無功討論奚取思問神于先  
 聖姑欲事君苟獲罪于玄穹曷容媚竈唯于舊史  
 想見英風適當罷役之初爰奉屬辭之誥西州作  
 頌誠慙邑子見稱南國刊銘或望至尊所改又銘  
 末云謝傳長逝王公不作獨我莊武先迂寥略斯  
 皆披文相質立言邁俗豈惟情見乎辭而已矣時  
 江南久興建屯田楚州常州尤甚聚斂培克之輩

雅直而不迂以理勝為貴其武成王廟碑序末云

弗  
易於

於  
季

侵奪射利民不聊生言事者累諫不聽洎國老宋

公上疏主者堅執不易於是命公往察訪一如親

行可與可廢悉以便宜從事後奏公既行而羣黨

已切齒矣楚州應非理遷入屯田之產業盡還本

戶百姓謹譁感泣如釋犴狴次至常州亦如楚州

處置協比眾惡之徒今上御名以擅作威福徵還私第待

罪蒼蠅貝錦膠固組織詰難問狀不容自理鍛鍊

深刻將置大辟其貶制乃張緯所草末云尚以年

齡方壯文學甚優特屈尋章宜從流放於是長流

舒州時第錯任右拾遺集賢殿直學士亦貶祕書

泰

季

鷓鴣

季

疊

豐

季

卽分司東都公前左遷泰州弟亦貶烏江尉及流  
舒州親友臨江相送韓相有詩云昔年棲斷此江  
湄風滿征帆淚滿衣今日重憐鷓鴣羽不堪波上  
又分飛在同城三年唯游覽勝境披翫典籍尤工  
吟詠情性未嘗以得喪蠱芥于方寸譔周將軍廟  
碑銘文宣王廟碑序喬公亭記九疊松讚皆足志  
之文刻于貞石及量移饒州未登途而周世宗之  
師過淮取舒新公遽携家榜小舟由皖口歸昇州  
公賦詩末云一夜黃星照官渡本初何面見田豐  
其情發於中不顧言之太直如此明年授太子左

脩

此行撫一字

諭德未幾復知制誥拜中書舍人通署中書省事  
時周世宗弭兵修好待嗣君以優禮異數凡章表  
往復討論潤色多公所為及世宗崩祭文寔公視  
草嗣主嘉賞時人傳寫為之紙貴侍嗣主殂于豫  
章護喪歸建業後主即位官職如故而訪聞詢謀  
無改嗣王之道其知舉也不獨考其文章必先察  
其德行故難於得人出羣拔萃者最稱吳淑復以  
子妻之其所問策五道盡時務政理之要後主並  
親答焉仍俾詞臣悉對之後主以尚書省綱條弛  
紊官司怠棄積習已久思公正之人以糾劾提振

署於脩

讓於  
辯

之徙公為尚書左丞逾月而罷以尚書右僕射游  
公判六司拜公為工部侍郎知制誥翰林學士尋  
以憲署曠職法吏侮文非委直清不能嚴肅拜公  
御史大夫而佞用諛勝吾道不行於是奉身而退  
拜兵部尚書知制誥翰林學士以先奉命修嗣主  
實錄乃專以屬辭此事為務後主每有著述必令  
公兄弟視草而後編錄故雜說公為之序文集弟  
集賢舍人為之序彼昔之二龍兩驥烏足以方茲  
令名焉王師之弔伐金陵也公急病讓夷請使于  
天朝以釋後主之前事辨疑分謗且服罪降名以

御入為請庶不隳奕世之國祀已行遂拜右僕射  
同參左右內史事及覲

太祖敷奏忠懇執議誠信雖不得請

太祖亦甚嘉歎美其秉節無撓既復命自以不能  
副後主之望雪泣因讓不受其新命焉尋從後主  
歸朝授太子率更令

皇上登極素知公之文學優瞻久司教令特授直  
翰林(院)學士院拜給事中侍從

無院字

固讓 此行齊字

鑾輿下并汾襲偽之地巡狩魏博逐入寇之虜中  
威耀德因壘懷來告至策勳詔示填委雖翰林諸

豫  
季

季

季  
辯

公盡熙帝之載而公亦與有力焉數年拜右散騎  
常侍慶恩升左散騎常侍末年公著靜齋自箴篆  
書刊石寘于座右曰爰有愚叟栖此陋室風雨可  
殺戶庭不出知足為富娛老以逸貂冠蟬冕虎皮  
羊質處之勿疑永終爾吉後之君子觀之有以見  
公名重益謙德成歲密與其一無所鑒而窺冀所  
不休者是天之戮民不可同年而語矣惟公未冠  
筮仕名稱籍甚日彰夙習非聚學辨問之所克也  
稟心忠正治身儉約公家之事知無不為自幼至  
老惡其聚斂貪冒未嘗微寘于懷俸祿所入不問

錫 此行十八字

此行擠一字

於

多少隨時共意而已居處未安不務顯敬但聊以  
蔽其風雨量家所受餘分貸親故舊知寓止焉與  
人交有始有卒必誠必信久要不替雖中或不善  
人無間然初與禮部尚書常夢錫給事中蕭儼之  
為莫逆蓋以二公常念宋國老粗于締空御名之業包  
藏凶慝每章言其罪公亦同力嫉惡先主嗣主因  
審度為虞故不任之以政及宋國老暮年因陳覺  
李徵古協謀不軌貫盈事發同時殛死嗣主追念  
常蕭與公疇昔敢言果今日之速禍也時常公已  
卒因言曰夢錫常欲殺齊丘恨其誅戮不見于

此行擠一字下行同

於季

贈石僕射焉適後主從容言及此事公且曰夢錫  
先卒不見齊丘之敗嗣主已追贈矣唯臣與蕭儼  
之一目覩朝典况臣塵忝官列八座矣獨蕭儼之往  
為理官以赦前失貶黜吉州以老告退願以臣今  
所居官授儼之旌其先見後主由是召蕭儼之至  
建業以公所陳列慰勞特授工部尚書以年過懸  
車致仕居吉州給奉祿終身焉公于內外族視無  
踈密待之如一其有孤嫠無告者皆糾合收養稱  
家之有無隨事拯濟婚嫁視之如家人子雖讒口  
謗議紛紜盈耳公自信不疑唯恤孤念舊是急不

朗

季

於

知其宅及左遷邠岐亦聖此獲譴矣有子曰夷直

朗州桃源令先公疾卒女三人長適左贊善大夫

高名御交次女適國子博士吳淑先公卒次女幼有

才淑未笄而卒公享年七十六某年月日以疾終

于邠州官舍恬然神氣不亂唯禁家人勿哭以為

坦化但囑以殯歸于洪州西山祔葬于烈考太夫

人之墓即以其季月日洪州胡某以舟至京護載

公之柩歸西山徙理命也公業隆儒行奉五常而

不墮志嚮道風稟三寶而無玷故其立言蘊德久

而弥芳繕性觀妙老而益壯實古之人歟克播遺

徐公行狀

前空四行

風允資鴻筆謹狀

徐公行狀

開化圖書館  
kuahua library

徐公行狀

七

而一物芬縵性觀妙老而益壯實古之人歎克播遺

德公行狀

德公行狀

九

開化圖書館

kuahua library

大宋文節公行狀司馬檢校工部尚書東

大宋故靜難軍節度行軍司馬檢校工部尚書東

海徐公墓誌銘

余蔡光祿大夫尚書右僕射兼中書侍郎平章事監修國史在國歷郡開國公李昉撰

入院

上即位之元年冬以學士李昉獨直翰林詔太子  
率更令徐鉉分直視草是時昉與公以同道相知  
論交契之始也越四年春

兵於

天子率六師親征太原并壘既平遂北幸塞垣耀  
光盧龍秋七月凱歌歸京師軍衛之中書詔  
填委公援筆馬上應答如流以扈蹕勞遷給事中

此行擠一字

直學士院如故又四年授右散騎常侍始罷文翰

此行擠一字

署 此行擠一字

於

之職端拱元年帝親耕籍田改左散騎常侍積

階至金紫光祿大夫叙勳至上柱國累封至東海

郡開國侯食邑一千戶以淳化二年秋九月檢校

工部尚書出為靜難軍節度行軍司馬明年八月

二十六日晨時起方冠帶遽命筆硯語左右曰吾

疾作矣手疏一幅約束後事又別署一幅道者天

地之母書訖而終年七十六陝西道轉運副使鄭

適來邠州遂出家財竭力襄事即以其年十月奉

還靈樞還京師權晉于板橋東南之佛舍受婚

國子博士吳淑門生殿中丞杜錫時皆典治中秘

此行擗一字

父

上

於

於

於

書遂以公山計聞上覽表軫悼詔出內府錢二十萬賜其家及明年七月洪州奉新縣義門胡仲堯自豫章具舟檝迎公之喪葬于洪州新建縣西山之鸞岡原奉遺命從先塋也公字鼎臣其先會稽人自言生于揚州曾祖諱源祖諱徽皆隱德不仕父諱延休衛尉卿贈左僕射才高道直有名于時公幼孤與弟錯皆苦節自立未弱冠以文行稱于時仕江南李氏周旋三世歷校書郎直宣徽北院尋直門下省三知制誥一遷司封郎中兩拜中書舍人再入翰林為學士自貶官起為太子右諭

此行儕一字

讓

此行儕一字

於

於

德由尚書左丞為兵部侍郎為御史大夫由大夫  
 為吏部尚書由尚書為右僕射同參左右內史事  
 堅讓不就王師下金陵隨後主歸朝以太子率更  
 令奉朝請今諫議大夫張公佖說公在江南時奉  
 太夫人慈訓不妄游下唯著書雖親族罕見其面  
 年十六遇李氏先主霸有南土辟命累至釋褐連  
 任書府繇是經史百家爛然于胷中矣其典誥命  
 也落筆灑翰應用無窮皆混然而成有雅正之體  
 當時名士如韓熙載者無敵尤長于制誥公與之  
 齊名其豫機密也居中守正無所附會雖在家宴

撓

居如對君父其恭慎也如此當時用事臣有陳覺  
魏岑者樂禍好權多撓時政公嫉之如讎其掌貢  
舉也至公取人不受私謁先策問而後詞賦進德  
行而黜浮華當時舉場號為得士公弟內史舍人  
錯每主文柄亦以直道自持故江表後進力學未  
至者聞二徐為春官多望風引退其精鑒無私也  
如此其持憲也當官執法無所屈撓姦邪為之側  
目權貴因之斂手當時言風憲者惟公與故御史  
中丞江文蔚王師之渡江也公將本君之命使於  
朝廷且乞緩師以奉祭祀 太祖引見謂公曰汝

於

於於

主託疾不朝乖事大之禮况吾兵業已行無中輟  
之理歸報汝主善為之謀公因慷慨鋪陳自古成  
敗之道表明後主忠孝之節 太祖亦為之動容  
厚禮之遣歸初大軍已圍建業後主思命孔交兵  
之間左右咸有難色公欣然請行後主曰惡謂之  
曰爾既往即當止上江救兵勿令東下公曰是行  
非全策今城中所恃者救兵奈何臣此行止之  
後主曰比以和解為請復用決戰即是自相矛盾  
孔爾得不危乎公曰今豈以一介之微而忘社稷  
之重但置足于度外耳後主撫之泣下曰時危見

李溥  
於

節汝有之矣及歸朝

太祖盛怒責之曰吾向與汝言何謂弗達於汝主  
且拒抗之罪皆汝所為公頓首謝曰臣為江南大  
臣而其國滅亡抵此死有餘罪餘復何言

太祖于是歎息曰忠於所事者乎汝當事我如事  
李氏命坐存撫甚厚故相太子太師王公傳一見

如舊相識每有經史異義多質疑于公繇是琴樽  
嘯歌筆硯酬唱無有虛日相得甚歡故工部尚書  
李公穆有清識嘗語人曰吾觀江表冠蓋若中立  
有道之士惟徐公近之耳兵部侍郎王公祐負才

於

易  
錫賜

於於

尚氣未嘗輕許人及見公常言于朝曰文質彬彬  
學問無窮唯徐公耳公亦曰王公詞如江海心無  
城府真竒士也今吏部侍郎李公至翰林學士承  
旨蘇公易簡皆當世英俊奉公以師友之禮公仕  
朝廷將二十年前後錫賜所得俸祿所入備伏臘  
外未嘗蓄聚一金所居之地僅庇風雨惟古木數  
株每夏秋之際霖潦為患頽垣壞宇人不堪其憂  
而公處之晏如也江南故人子弟暨親族之孤遺  
者來投于公歲無虛月公分廩祿以卹之虛館舍  
以安之殆于終年未有倦色有布衣蒯亮者老而

佗  
貞

過  
其  
於

知

多誕游公之門僅五十稔年九十猶矍鑠不衰每  
從江南來詣公公置之道院日與之碁未嘗語及  
他事而待之如初公嘗言江南有處士朱貞白嘗  
語人曰今人或言不欺神明也吾嘗佩服斯言不  
敢為欺心之事有故人謝岳嘗為虢州盧氏令刺  
史與之有隙凡選舉之制過七十即罷去遂奏謝  
年過不堪任時江東初下仕人有可疑者咸質于  
公謝因私請曰某之齒公寔知之苟朝廷問公不  
敢望公言未七十但言不知其年即幸矣公曰君  
之甲子某具知之而云不欺是欺天也苟或見問

必以實對其至行無誑又如此公為文智思敏速  
或求其文不樂豫作令其臨事見白立為草之云  
速則意壯敏緩則體勢踈慢公愛婿吳淑言江南  
宰相馮延巳常語人曰凡人為文皆事奇語不爾  
則不足觀惟徐公不然率意而成自造精極時人  
以為知言所著文多遺落今其存者編成三十卷  
又擬徐幹中論作質論數十篇集耳目聞見之異  
作稽神錄二十卷並行于世公文學之外長于篆  
隸其書札之妙自成一家當世士大夫有得其書  
者無不寶之以為楷法任常侍日奉詔與直史館

於

正 朗 於

句中正等重修許慎說文自撰韻譜一十卷學者  
服其精博公嘗慕老子清淨之教莊周齊物之理  
故內不能以得喪動外不能以榮辱干然而為學  
之心老而彌篤在邠州日以時俗文字為謬乃親  
以隸字寫說文字體纖細止如蠅頭過數萬言年  
高目明洞見毫末其精力不怠如此夫人太原王  
氏子朗州桃源令夷直並先公而卒長女適吳氏  
早亡次女適友贊善大夫高慎交幼女十七娘才  
淑過人未及笄年而夭自為誌文辭甚悽楚意孔  
門四科德行文學洪範五福壽考康寧在孔古人

鮮有無美惟公高才懿行善始令終所謂登孔門  
之二科居洪範之三福也語曰善人吾不得而見  
之矣惜哉銘曰

祖丘軻兮宗老莊奉三寶兮師五常生維楊兮仕  
建康歸皇宋兮老大梁歿幽土兮葬豫章儒林文  
人兮今也則亡嗚呼

祭文

維淳熙三年歲次壬辰十月辛酉朔十八日戊寅  
銀青光祿大夫行尚書吏部侍郎兼祕書監上柱  
國李至朝奉大夫左諫議大夫充史館修撰判館

於

事上柱國賜紫金魚袋揚徽之張洎等謹以清酌  
之奠致祭于 故左省騎常侍徐公之靈惟公博  
識宏才懿文茂學如金之渾如玉之璞天然混成  
不加彫琢項在江左已聞素履及來 天庭孰不  
仰止周旋清顯殆將二紀相如視草隰朋近侍篆  
籀稱絕典謨得體其馨如蘭其直如矢今問令望  
之才之美今也儒宗古之君子五百年來一人而  
已道屈于位遇 休明之世未盡伸才困于命當  
衰晚之年不得志嗟乎天地之間人生如寄自古  
迄今其誰不死矧素髮之垂領復何悲乎已矣可

豎

於於

惜者淪於遠郡契濶千里鵬鳥之賦未成二豎之  
災奄至淳于意子止一女鄧伯道兮終無子此素  
友清交門生故吏可以失聲而長號汎瀾而屑涕  
以為天道難忱善人如是至受教文字執弟子之  
禮微之洎有舊瀟湘敦故人之契迎旅櫬扣西郊  
風切切兮雨蕭蕭靈筵慘兮素幃動疑盼蠻扣寂  
寥嗚呼臨喪一奠庶英魂之可招尚享

東海徐公挽歌詞二  
李 王

吾道亡宗正明時喪大儒傳家無嗣子封岳有遺  
書命劣長沙賈名齊鄴下徐不知千古後文行復

誰如

執友韓夫子傳家弟楚金人稱聯璧重世慕二龍  
深鮑謝須慙德機雲亦醉心可憐黃壤下埋沒此  
瑤琳

海內才名重儒中學問高病猶不釋卷老亦自揮  
毫蠹簡披皆識亡書誦豈勞如能百身贖爭惜一  
鴻毛

說文修古篆論質著新詞尚父鷹揚頌周瑜水戰  
碑家藏為世寶手寫作人師惜不歸宣室吾皇問  
受鑿

質論

薄暮邠郊遠何人不慘頽無兒見星往有妾護喪  
還舊宅猶臨水空車却度關平生衣上淚今日為

君斑

左散騎常侍東海徐公此五君詠中之一

獨主

徐公真丈夫不歌文章伯江南兵未解臣憂臣慘

戚公願紆其難苦求使上國庶獲一言伸少息苞

驚

茅責其君驚且歎執手涕沾臆謂言知爾晚何此

諒

忠義激天子叱在庭誚讓雷霆赫公亦從容對曾

不渝神色仁者必有勇斯亦古遺直書大略其小

警

我有春秋癖所以此詩中不言公翰墨庶警事君

心勉旃希令德

後序

徐公既沒門人等論次其文為三十卷曩祕閣吳  
正儀今翰林穎川公並為之序論之詳矣都官負  
外郎胡君克順通才博雅樂善好賢早遊騎省之  
門深蒙鄉里之眷寶茲遺集積有歲時鏤板流行  
庶傳悠永因以丞相趙郡文貞公鄧帥隴西公所  
於寶貞師

作墓誌挽詠等列于左次用垂茂寔俾題于後以  
記厥由大中祥符九年八月太常丞集賢校理晏

殊序

秋風

佳

u

於由天中...

秋風...

秋風...

秋風...

秋風...

秋風...

秋風...

秋風...

秋風...

開

u a

空半格

明州重刊徐騎省文集後序

騎省徐公文集三十卷天禧間尚書都官貲外郎  
胡君克順編錄刊行且奉表上進

章聖皇帝降詔獎諭參知叅政陳公彭年為之序  
引丞相晏元獻公復為後序騎省在江南有重名  
仕天朝為近侍以文翰忠直在當時諸公先既歿  
丞相趙郡李文正公實誌其墓所以稱述推尊之  
者甚至距今且二百年其英名偉節得以不泯而  
為後學法者繫文集是賴年世曩遠兵火中厄鮮  
有存者偶得善本使公庫鏤板以傳紹興十九年

州

徐公集後序

十一月十日右朝議大夫充敷文閣待制知明州  
軍事提舉學事賜紫金魚袋徐琛跋

此處為多欄式書寫，包含大量模糊的淺色文字及紅色的批注或印章。可辨認的紅色字樣包括「秀」、「圖」、「化」、「開」等。

影宗本此葉版口無第幾葉教目


余向欲蓄徐騎省集即新鈔本亦不多得既聞吳枚菴茂才貧而蓄  
書遇善本多手抄者訪之已質他姓多方往求始得一見末有跋語是  
余仇亦陶者云此書錢宗伯從宋大字本縮為小字本錄出擬借  
抄苦其多而未就已置之矣後從香巖周氏談及是書云有影  
宋大字本遂丐歸展讀適書友自錫山故家收得鈔本較  
吳本頗舊行款亦與影宋本大同小異爰竭數日功手校其  
誤雖縮本仍然而宋本面目約畧可見宋本亦有訛脫抄本  
間有空格處當是按其文義以意存疑此時悉據宋本校勘  
不敢輕易妄宋之譏識者諒之宋本遇宋諱避之甚嚴知宋本  
確然可信而影寫者纖悉遵之知非質之傳錄之本矣

嘉慶庚申七月白雨路節後七日書於聯吟西館黃丕烈



開化圖書館

Kaishwa library



開化圖書館

Kaichwa library



開化圖書館

Kaichua library


周

開化圖書館

Kaishwa Library

開化圖書館

Kaishwa Library




徐  
公  
文  
集  
  
六

開  
館  
書  
圖  
館  
藏  
本  
Kashua library



開化圖書

Kaohua Library



**TIFFEN** Color Control Patches

© The Tiffen Company, 2007

Blue      Cyan      Green      Yellow      Red      Magenta      White      3/Color